

B. N. C.
FIRENZE

1148

19





1148



19

IO. BAP. PIGNAE ORATIO

IN

Funere BARBARÆ natae
Reginae Hungaria ac Boemia,
ARCIDVCIS AVSTRIAE,
Ducis Ferrariæ.

Habita Ferrariæ IX. Kl. Octob.

M. D. LXXII.



IO. BAP. PIGNAE
ORATIO
IN



VE M A D M O D V M, Alphonse Princeps
si vnica dies serena fulserit, nō ideo
aduenisse ver arbitramur, cum lon-
go tēpore cōtinuato, quo sol quoti-
die vires acquirat seq; nitentem prę
beat, opus sit omnino; ita nec fœli-
citas humana ex paucis sed ex mul-
tis perpetuis præclaris actionibus iudicatur. Hæc qui-
dem serenitas, cœli perturbationi, vt beatitudo miserię
opposita, si animi trāquillitatem respicias, diuinę quo-
quę fœlicitati conuenit. hoc est illi cuius nobiscum est
cohæres, quam nos edocuit, qua apud Deum patrem
pro nobis intercedit Christus mundi Seruator. nam si
sedandæ sunt affectiones vt mens liberè possit impera-
re atq; animus tuta quiete perfrui, nosq; inde hoc modo
morigerati ac ciuiles appellari valeamus, quanto magis
accessuri cœlesti virtute in veram patriam cœlorum ac
Dei puritatē induere debemus? Si vero serenitatis no-
mine fortunæ prosperitatem intueamur, atq; ita affluen-
tibus bonis externis is absolutē fœlix dicatur, qui nullis
commodis indigeat, vtaturq; secundo rerum omnium
cursu, non hæc humana fœlicitas eadem est apud Chri-
stifideles cum diuina. quinimo ei penitus aduersatur,
quis enim infimi huius orbis delirijs obrutus respiscet?
quis proprijs viribus fisus ad altissimum implorandum
auxilium conuerteretur? si tentationes, si persecutiones,
si omnes corporis cruciatus pertulit, qui prorsus inno-
cens, qui nulla prorsus labe maculatus vnus & idē De-

us & homo erat, qui nostrū caput, nostra lux, nostra salus fuit, nos tāti magistri, tāti Ducis indigni imitatores cœca ac temeraria cupiditate omniq; libidinū genere incensi, ardorē huiusmodi vigilijs, abstinentia, pijs meditationibus, tolerantia rerum humanarum, contemptione fortunæ comprimendum atq; restringendum non censebimus? non id potissimum cogitabimus cauteq; decernemus, mali fomentum varia hominum societate, prauo Dēmone ac corporeo sensu subministrante? Serenus animus in Serenissima BARBARA Austriaca nata Regina Hungariæ ac Boemię, tua Alfonso Princeps coniuge, cuius exequias, funebri hoc apparatu, hac luminū copia, hoc sacelli squalore, mœstissime prosequeris, ita clarè ac perspicuè elucebat, vt a facie minus celeretur, quam si facies velamen esset. emanabat propterea illa affabilitas quanq; grauis placidissima, illa erga bonos benignitas, erga miseros commiseratio, ille perpetuus bonitatis ac morum facilitatis, vitæq; humilis tenor, nulla seueræ frontis superbia, nulla turgidi animi elatione in eius maiestatis decoro impeditus: cuius quidē recordatio, quo lētiori corde ac vultu Principem nostrā humanissimam spectabamus, citiusq; nostra Principe orbatī fuimus, pro qua templa fuere tam frequentia, tot matronarum procerumq; suspiria, tot pię paruulorum lachrymæ, tot vrbs totius deprecationes effusæ, eo magis animum cuiusq; percutit. Non ipsa, sanguine & virtute Serenissima, illam fortunæ serenitatem affectauit, quę morituris oculis nūcat, splendoremq; æter-

num eripit. Ac votis planè eius (vota hæc erant qualia indicarunt etiam & sospites & decumbentes Margarita atq; Elisabet sorores, angoribus infracto animo perfici) cœlestis Pater aliqua ex parte respōdit. at qua ex parte? extrema nēpe, quæ solet esse terroribus plena extremis ac difficillima. nam cum paterna origine ex Meroingis vetustissimis Francorum Regibus, & ex tam longa Cæsarum serie descendat: Cæsarum proneptis, filia, soror; materna autē ex celeberrimis Iagellonis omnium penè septentrionalium prouinciarum Regibus: cum nulla vnquam infortunia in Oenipontis aula, quasi in sacro educata, persenserit: cū Principi cōiuncta fuerit stirpis, animi & rerum gestarū nobilitate tam excelsa (liceat mihi in ore tuo Princeps noster laudū tuarum particulā attingere, qua prætermissa vxor tua dilectissima defraudaretur) cum in ipso Principatu omnium veneratione ac cultu fortunatissimè vixerit, si non cōtrarijs fortunę casibus iactata fuit, naturali ægrotatione in quatuor menses producta ac ferè semper letali, semper verò natura ipsa oppressa ac reluctāte, sēper numerosa morbi seuissimi familia succrescēte: interioraq; omnia inuadente, fuit vsq; ad supremū vitæ diem cruciata ac consumpta. Sub tanto onere, in tam ingenti certamine defecisset humana prudētia, qua pro nostris viribus in prosperis officia publica & priuata explemus tēperantes ac fortes: & ī aduersis quę vinci possunt vincere conamur, quæ sunt insuperabilia patiēter ferimus. Defecisset hæc prudētia. sæpe enim si in altero fortunę statu est integra:

manca est in altero . si a leuibus nō confunditur : extin-
gui potest a grauibus . Defecisset hæc prudētia . nā for-
tissimi viri mortē quidem non solum pulchrē sustinent
sed audacter aggrediuntur atq; aspernātur . dolori tamē
diuturni temporis intenso nunquam intermisso atq; in-
tolerabili, si corporis, nō animi robore resistunt . si nō
semel firmi in proposito cōtra vim molestiæ se perman-
suros sibi ipsis pollicentur, non semel infirmi de propo-
sito decidunt . Defecisset hæc prudentia . si quidem re-
rum omnium opifex, summusq; noster Parens eam con-
ditionē constituit, vt creberrima calamitatū seges diui-
na ope nō accēdere, nulla acuta validi messoris falce se-
cari possit . Charitatis arma sunt induenda . cedant Vul-
cania arma, ancylia, fabulæ . cedat militiæ cuiusq; ars :
cuiusq; senatus consilium . cedāt sapientissimorū gym-
nasia . Charitas, charitas inquā, vna charitas excellēti su-
premoq; gradu nō simulatione, non violentia, non vllō
modo humanitus : omnino diuinitus benigna est : pati-
ens est . atq; ideo, vt amicis, cōsanguineis, facultatibus,
tectis, vestimētis, cibo expoliamur : indigētibusq; om-
nes fortunas nostras charitate Dei gratia elargimur, ani-
mam abijcimus ; ita inopes, angustijs perstricti, languē-
tes, male affecti ac prostrati, charitate omnia Dei gra-
tia sufferimus . BARBARA nostra hac perfectissima vir-
tute, ad quam ab ineunte etate satagēdo se composuit :
qua a Deo suffulta fuit, exēplo Barbaræ Christi martyris
ob ingētissima supplicia tyrānicę in illā manus inter Di-
uas connumeratę, aduersę valetudinis, imo leti cōtinui

seuitiam cum Christo, sæpe Christi sacramentis, semper Christianis precibus fortiter debellauit. sententiam illam uti veram testificata, non grauiora esse carnificum tormenta, quam interdum cruciamenta morborū, nec minus in hisce quam in illis fortitudine martyribus viā esse ad cœlū patefactam. O admirabilem cōtra tot horribiles mortis asperrimæ facies firmitudinem. O eximiā beatę glorię spem nunq̃ succisam, nunq̃ exsiccata, nunq̃, languescentem : perpetuo in sinum ac fontem perennis clementię viridissimam. Nunc in superis, non ut nata Regina Hungarię ac Boemię, sed ut membris emortua & spiritu in Christo renata, clarissima Dei gloriosi ancilla, verē regiam consecuta est coronam. Nunc in superis quo hic erat animi nitidioris, eo purissima beatitudine est augustior : ac quo magis hic erat in obscuris & acerbis stratis afflicta minusq; prosperitatibus splendescens, eo magis sublimiori loco voluptate suauissima perfunditur. Nūc in superis trinum & vnum Deum orat, ut occasio ferat, posse fratrem Imperatorem Maximilianum inuictissimū Sanctissimo Pontifice idem orante, idem quā maxime cupiente, idem totis viribus contēdente, sanctissimo tum alijs fœdere aduersus communem & Christi hostem coniungi: ut ambo Reges eiusdem Imperatoris generi arma aduersus eundem hostem pari animo conuertant. Regina, quę in verę aurore regia roseis regalibusq; genis auroram superas, lachrymas terge, suspiria mulce, quibus inferiores supernasq; auras te decedēte inficimus ac verberamus. Re-

gina, quæ a summo Rege descendens, regium culmen
conscendisti, animos mœrore tabentes recrea. ad te im
mortalem mortalium pectora dirige. mentē luminibus
tuis solatam foue. Regina, quæ angelorum regimini cœ
litumq; Rectori inheres ac de cœlesti specula nos tibi
addictissimos respicis, vt pulsa nostrarum tenebrarum
caligine luce crescente atq; in Deo amplificata æternæ
veræq; serenitatis iter nobis aperias, te supplices depre-
camur. D I X I.





